

# ՍՈՒՄԿԱՅԻԹԻ ՄԷՋ ՀԱՅԵՐՈՒ ԴԷՄ ԶԱՐԴ ՊԱՏԱՀԱԾ Է

KS

Համաձայն Ծրանսական Մամլոյ Գործակալութեան հաւաքած տեղեկութիւններուն՝ ընդհանրապէս ոչ պաշտօնական աղբիւրներէ, ատրպէյճանական Սումկայիթ քաղաքին մէջ, որ կը գտնուի Կասպից ծովի մօտ եւ ուր հայ բնակչութիւնը փոքրամասնութիւն է 200 հազար բնակչութիւն ունեցող քաղաքին մէջ, կան աւելի քան 200 զոհեր, Ուրբաթ օրուան իր հաղորդումին մէջ խօսած էր միայն 31 զոհերու մասին:

Սումկայիթէն բաղմաթիւ հայ կիներ, իրենց զաւակներով միասին փախուտ տուած են քաղաքէն, նախ՝ անցած Պաքու, ապա՝ Երեւան, Ուրբաթ օր: Տպաւորիչ յուղարկաւորութիւն մը կատարուած է Հինդչարթի օր, ուր բանակային կարեւոր թիւով միաւորներ զրկուած են վայրը, դէպքերուն առաջքը առնելու համար: Մեռեալներու ծնողներուն թոյլ չէ տրուած խումբով մանելու դերեգմանատուն՝ յուսահատ դէպքերու առաջքը առնելու համար: Փոքր խումբերով անոնք մուտք գործած են եւ ներկայ գտնուած իրենց հարազատներուն թաղումին:

Ատրպէյճանական հեռատեսիլէն, Համայնավար կուսակցութեան ղեկավարներն ու ատրպէյճանական կառավարութիւնը պաշտօնակցութիւններ յատնած են զոհերու ընտանիքներուն:

ԹԱՍՍ վիրաւորներու թիւը 70 դնահատած էր, իսկ Մուկուլայի ատրպէյճանական աղբիւրներ յայտնած են թէ անոնց թիւը 300էն բարձր է:

Ղարաբաղի Մարզի մայրաքաղաք Ստեփանակերտի հիւանդանոցի պատասխանատուներէն մին Շարաթ օր յայտնած է

թէ զոհերու թիւը 31էն բարձր է, թիւ մը որ յայտարարուած էր ԹԱՍՍ զործակալութեան կողմէ:

Սամկայիթի բախումները յառաջ եկան՝ անցեալ ամսուան Ղարաբաղի Մարզի Հայաստանին կցումը պահանջով ցոյցերէն ետք, որոնք տեղի ունեցան թէ՛ Ղարաբաղի մէջ եւ թէ՛ Երեւանի: Այդ ցոյցերը վերջ գտան Շարաթ 27 Փետրուարին, իսկ Սումկայիթի դէպքերը ծագեցան օր մը ետք՝ Կիրակի 28 Փետրուարին:

Ստեփանակերտի մէջ վաճառատուները պարզուած են սպրանքներէ, որովհետեւ իշխանութիւնները նոր սպրանքներ չեն յանձնել, մինչեւ որ գործադուլը վերջ գտնէ: Համաձայն Ծրանսական Մամլոյ Գործակալութեան քաղած տեղեկութիւններուն, նոր ցոյցեր տեղի ունեցած են Երեւանի Օփերայի հրապարակին վրայ երեք օր առաջ, ուր ցուցարանները ժողովուրդը հրաւիրած են սոյքոթի ենթարկելու պետական պաշտօնական տեղեկատուութիւնը, դէպքերու հանդէպ անոր մօտեցումը ոչ առարկայական նկատելով:

Պաքուի մէջ, ըսած է ատրպէյճանական հեռատեսիլի պատասխանատու մը ամէն ինչ հանդարտ է: Իսկ Ատրպէյճանի ներքին նախարարութիւնը կը յայտնէ հաղորդապրութեամբ մը, թէ մայրաքաղաքին մէջ «երկու-երեք օրէ ի վեր» կատարեալ հանդարտութիւն կը տիրէ:

Ղարաբաղի եւ Սումկայիթի դէպքերը ցոյց տուին թէ Սովետ Միութիւնը տակաւին հեռու է Միխայիլ Կորպաչովի դաւանած «Կլասնոսթէն» (հրապարակայնութիւն), ուր թէեւ հարիւրաւորներ զոհ դացած են բրտութեանց՝ սակայն պետական պաշտօնական աղբիւրներ լուծութիւն կը պահեն կամ ամբողջական պատկերը չեն ներկայացներ դէպքերուն: